

AWEMainta

E DIFERENCIA DEN NOTICIA

PA INFORMA PARLAMENTO RIBA E CAMBIONAN DEN PRESUPUESTO 2024

MINISTER MADURO DI FINANSA TA PREPARANDO PA PRESENTA E NOTA DI COMIENSO DI AÑA 2024



BISHITA: WWW.ATA.AW

**A.T.A. TA LANSA WEBSITE
NOBO DEDICA N'E
COMUNIDAD LOCAL**

**FIESTA A
CUMINSA**



E CAMINDA PA SUPERA PTSD


**RECUPERANDO
SPERANSA Y SANACION**

**Stop Searching!**

M-Files®

Document Management

- System Neutral, Metadata Driven
- Cloud, On-Premises, or Hybrid
- Automated Workflows and Security
- Seamless Integration with: Microsoft Office, Dropbox, GoogleDrive, DocuSign, AdobeSign

Tel. 583-7072 | info@vcc-int.com | www.vcc-int.com

Bishita: www.ata.aw

A.T.A. ta lansa website nobo dedica n'e comunidad local



CU lansamento di website www.ata.aw, A.T.A. ta sigui comparti informacion entre otro relatonan di prensa, noticia, informacion, “insights”, diferente estudioan y rapportnan mensual cu resultadonan di turismo y mas. E website aki ta facilita A.T.A. pa ta conecta y pa sigui informa e comunidad local di hopi di local cu A.T.A. ta dedica na dje. Un canal cu ta provee informacion di e organisacion den su totalidad di entre otro, e vision, mision, balor, proposito di A.T.A., informacion di contacto local, y informacion di tur oficina cu A.T.A. tin disponibel den diferente mercado internacionalmente.

Alabes, e website ta comparti e canalnan local cu A.T.A. ta utiliza pa comparti noticianan relevante cu e comunidad. Esaki ta inclui pagina di medio social Facebook, Instagram, y awor cu un pagina di YouTube pa e



mercado local cu ta comparti videonan cu ta wordo produci y uza localmente di entre otro, e serie di podcast di A.T.A. Talks About.

Parti di e estudioan disponibel ta “GenZ & Millenials Report 2023” y estudioan di diferente mercado incluyendo Merca, Europa, Latino America, Reino Uni, Canada, Suisa, y mas. Segun cu A.T.A. ta haci investigacion y/

of ta update estudioan y rapportnan mensual y anual, lo comparti esakinan pa medio di e sitio web.

Nos ta invita e comunidad local pa bishita www.ata.aw y haci esaki bo canal principal pa noticia directo di A.T.A.

Por tuma contacto cu Milouska Solognier m.solognier@aruba.com pa mas informacion.

Fiesta a cuminsa

CU eleccion 2025 den porta, Aruba ta drenta den e aña na unda cu tur cos ta bira posibel. Diripiente politiconan di diferente partido tin e solucion pa tur problema riba nos isla. Aunke dificil pa kere, pero ta parece cu ora cu e politico no ta den gobierno, tur solucion ta aparece na dje. Pa añas cu e mesun politiconan aki ta den gobierno, pa cada problema cu nan encontra, pueblo tin di tende cu gobierno anterior no a laga placa den caha pa atende cun'e, debe nacional ta grandi, mester haci estudio of e excuus mas uza; no tin presupuesto.

Sinembargo n'e momento cu e politiconan aki no ta den gobierno mas, ta comosifuera nan ta haya un inspiracion di creatividad con pa maneha tur problema.

Durante e 12 lunanan prome cu eleccion por scucha un cantidad di ideanan mahestuoso y fantastico. Tin, cu ta bay asina leu pa inclui e ideanan aki den un programa di gobernacion cu por wordo interpreta como e contract mas importante, na unda un gobierno ta bay deduci kico lo bay haci y unda e prioridad di e gobierno nobo lo bay ta. E aña prome cu eleccion, social media y prensa ta yena cu logronan cu awor diripiente por, proyecto nobo na monton, asfalt tur parti di e isla y vacaturanan pa trabou na monton den gobierno.

Tin un dicho cu ta bisa cu pueblo ta haya e gobierno cu e merece. AWEMainta ta kere cu Aruba merece mas cu esaki si. Ariba hopi tema pueblo ta dividi, pero local cu si e gran mayoria ta di acuerdo cu ne ta, cu nos kier haya mas di nos politiconan. No ta importa si e politico ta den gobierno of no, Aruba tin mester di lidernan cu un vision sin payasada, sin hunga politica barata.

Aruba no kier scucha kico ken a haci of no a haci, sino kico cada politico lo bay haci y con e politico ta bay cumpli, no cu storia, pero cu hechos.

E organo independiente mas halto di Aruba, cual ta Parlamento di Aruba, ta unda cu mas Aruba por wak un show cu ta duna hende berguensa. Desde 1986 pueblo mester scucha termino nan manera stempel parlement y acusacionnan di corrupcion, reunionnan di un nivel asina baho cu den ningun empresa na Aruba of rond di mundo lo ser permiti.

Stempel parlement

Kico ta un stempel parlement? Esaki ta un parlamento cu no por dicidi nada riba su mes, sin consulta cu gobierno (ministernan) prome. Enbes di cu parlamento ta controla Gobierno, e rol nan ta bira y gobierno ta dicta con parlamentarionan ta vota den parlamento.



Dicon esaki ta asina? Facil.

Nos sistema ta encera cu cada cuatro aña pueblo ta bay vota pa scoge nos representantenan den parlamento. Gobierno ta wordo forma ora cu un partido of mas, logra cera 11 asiento den parlamento. Te akinan tur cos ta bon. Awor, pa forma gobierno, mester di minister, y ken ta bira minister? Mayoria biaha t'esnan cu mas voto ta bira minister, lagando asina e posicion den parlamento p'esnan cu no a haya mucho apoyo di pueblo, den e organo mas halto di Aruba.

E siguiente situacion ta presenta, ora cu un persona cu hopi menos voto, pero door di su number riba lista di partido, a logra drenta parlamento, con e persona aki ta bay bisa un minister 'NO'? Y si acaso e durf di bisa no esaki simplemente lo wordo saca for di partido segun nos historia politico. Asina ta haya cu gobierno ta dicta p.e. cu parlamento ta bay di acuerdo cu un contract cu nunca nan a haya pa wak. Un hende cu un poco tino lo firma algo sin wak esaki?

Ta haci dolor cada biaha cu nos wak nos politiconan destrui otro den parlamento. Sea den gobierno of oposicion. Cada un di nan ta mama, tata, ruman y yiu. Si nos no ta permiti e comportacion aki den ningun otro luga, pakico e ta aceptabel den parlamento? Ta ora pa pueblo tuma control di e situacion aki y exige mas, no obstante bo partido politico preferi.



Mirrors Beauty Academy ta ofrece e siguiente servicionan

Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Pa informa Parlamento riba e cambionan den Presupuesto 2024

Minister Maduro di Finansa ta preparando pa presenta e Nota di Comienso di Año 2024

E siman aki Minister Maduro di Finansa a reuni cu Departamento di Finansa pa asina repasa e detayenan di locual ta bira e 'Voorjaarsnota' of 'Nota di Comienso di Año' den cual Parlamento na comienso di año caba ta wordo informa di e cambionan den Presupuesto 2024.

Na año 2023 tabata pa prome biaha cu Minister Maduro di Finansa a haci entrega di un Nota di Comienso di Año na Parlamento. Te cu año 2022, nos conoce un 'Najaarsnota,' un 'Nota di Fin di Año' den cual Parlamento despues di mita año ta wordo informa di e cambionan den Presupuesto. Basa riba e <Nota di Fin di Año> Gobierno ta presenta un Presupuesto Suppletorio den cual ta pidi Parlamento aprobacion pa e cambionan si esaki ta necesario.

Pa duna Parlamento un bista mas tempran di e cambionan necesario den e Presupuesto di Pais Aruba, Minister di Finansa a introduci un 'Nota di Comienso di Año' pa



prome biaha na año 2023. E Nota aki lo keda presenta den e prome mita di año y esaki tambe lo por wordo compaña pa un Presupuesto Suppletorio pa pidi Parlamento aprobacion pa e cambionan. E ultimo aki ainda mester keda dicidi pa Consejo di Minister.

Cu e introduccion di e 'Voorjaarsnota' of 'Nota di Comienso di Año' den e ciclo presupuestario di nos Pais, Gobierno ta brinda Parlamento informacion presupuestario na mas momento den un año. Esaki sigur ta yuda e derecho di 'budgetrecht' di Parlamento di Aruba y ta brinda mas transparencia na Pueblo riba con e fondonan publico ta keda uza pa Gobierno.

e Poder den Mi

BO INGRESO TA RELACIONA DIRECTAMENTE CU E CREENCIANAN SUBCONSCIENTE CU BO TIN Y E STORIANAN SUBCONSCIENTE CU BO TA CONTA BO MES TOCANTE PLACA.

UN DICHO DI

Vishen Lakhiani
(CEO MindValley)

Instagram YouTube e Poder den Mi

Honda Fit a basha pal'i luz abao na rotonde di Cumana



DIAMARS atardi, pasa di 4'or, polis a bay na altura di ex-Codemsa, n'e rotonde riba Watty Vos Boulevard, caminda un Honda Fit colo literalmente a subi un pal'i luz.

Segun cu tin entendi, brake di e auto a laga bay cu e consecuencia cu el a subi e pal'i luz.

Unidad policial a presenta n'e sitio pa atende cu e accidente como tambe pa guia e trafico p'asina evita cu mas accidente por pasa.

Daño material ta bastante, mirando con e auto a subi e pal'i luz. Forensys y polis di trafico tambe tabat'ey presente p'asina tuma dato y investiga kico por a pasa.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 3 mei 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. **PONTON 70-L**

een woonhuis met verder toebehoren staande op een perceel eigendomsgrond groot 402 m2 gelegen te Ponton in Aruba, kadastraal bekend als Eerste Afdeling Sectie L nummer 4181

richtprijs: **Afl. 235.000,00**

2. **MISSOURISTRAAT 2**

een woonhuis met verder toebehoren staande op een perceel eigendomsgrond groot 204 m2 gelegen aan de Missouristraat te San Nicolas in Aruba, zoals nader omschreven in kadastrale rooibrief nummer 25 d.d. 3 juni 1987

richtprijs: **Afl. 80.000,00**

3. **MEIVELD 47-B**

Een woonhuis staande op een perceel eigendomsgrond groot 1.351 m2 gelegen te Meiveld in Aruba, kadastraal bekend als Eerste Afdeling Sectie P nummer 2607

Inzetprijs: **Afl. 335.000,--**

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 18 april 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com verkrijgbaar.

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 17 MEI 2024 om 10:00 uur 's-morgens in het Auditorium van de Kamer van Koophandel en Nijverheid te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

het recht van erfpacht tot 1 september 2055 op een perceel domeingrond, groot eenduizend zeshonderd acht vierkante meter (1.608 m²), gelegen te Eagle in Aruba, kadastraal bekend als **Eerste Afdeling Sectie K nummer 2601**, met het daarop gebouwde appartementencomplex en verder toebehoren, plaatselijk bekend als :

SCHOTLANDSTRAAT 48

Inzetprijs: Afl. 2.408.000,--

- Een ieder kan een onherroepelijk en onvoorwaardelijk onderhands bod uitbrengen tot uiterlijk donderdag 2 mei 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com

Het formulier is op de website www.newleafaruba.com verkrijgbaar.

- Iedere bieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

- De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

- Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Kapel Emanuel na San Nicolas por poco a kima den candela grandi di mondi



DIAMARS, alrededor di 1'or di merdia, polis y bombero a bay den Diamandbergweg, na San Nicolas, pa un candela grandi cu a expande y por poco a kima un kapel, den e caso aki, Kapel Emanuel.

Na nan yegada, e bomberonan a topa cu un candela hopi grandi di mondi cu nan no por a controla y sin duda nan a actua pa paga esaki. Nan a pidi un otro unidad pa yuda paga e candela, pasobra un no tabata suficiente.

Na final, cu ayudo di e di dos unidad, Bombero a logra paga e candela grandi aki, cu por poco a cende e kapel na candela y laga e fielman sin un luga di congrega.

Mata di coco a kima den cura di cas na Moko



DIAMARS mainta, pa mas of menos 9'or y 45, polis y unidad di bombero a bay na altura di un parcela na Moko, caminda cu un mata di coco tabata na candela den cura di e cas, por poco cendiendo e cas na candela. E accion rapido di bombero a evita cu e candela por expande y causa mas daño n'e propiedad.

Con e candela aki a cuminsa, ta algo cu polis y bombero lo mester bay investiga. Posiblemente door di particula di sigaria of cualkier otro cos cu por a cende esaki na candela.

SALUD. BEYESA

+ Y Bienestar Personal +

Cuido esencial pa un cutis radiante y saludabel

E apariencia di bo cutis ta un refleho di bo bienestar general, por lo tanto, su cuidu mester ta halto riba bo lista di prioridad. Pa yuda bo logra bo metanan pa un cutis radiante y saludabel, AWEMainta a colecta algun conseho esencial pa cuidu di cuero y cutis pa bo. Incorporando e practicanan aki den bo rutina diario, bo lo ta riba un bon caminda pa logra un cutis saludabel y radiante.

1. Dobel Limpieza:

Cuminsa bo regimen di cuidu di cutis cu un dobel limpieza tur dia. E prome limpieza ta elimina make-up, exceso di vet y impuresa. Sigui cu un di dos limpieza pa limpia bo cuero profundamente y permiti bo productonan di cuidu di cuero penetra miho. Busca producto di limpieza suave adapta na bo tipo di cutis, ya cu e productonan agresivo por elimina e vetnan esencial y altera e balansa natural di cuero.

2. Hidratacion ta clave:

Mantene un hidratacion adecuado ta vital pa un cuero sano. Percura pa bebe suficiente awa durante dia pa mantene bo celnan di cuero hidrata y bon nutri. Hidratacion tambe ta yuda mantene e elasticidad di bo cuero, promoviendo un apariencia hubenil. Considera di uza un serum hidratante of humidificador enrikece cu acido hialuronico, cu ta atrae y retene humedad den bo cuero.

3. Proteccion Solar:

Bo no por subestima e poder di e rayonnan UV, hasta riba un dia nubla. Haci aplicacion di protector solar un paso esencial den bo rutina di cuidu di cutis durante henter aña. Opta pa un protector solar di spectrum amplio cu un FPS di 30 of mas y re-aplica esaki bek cada dos ora, specialmente ora cu bo ta pasa hopi tempo den aire liber. Proteha bo cuero for di radicion UV ta yuda preveni enbehecimento prematuro, mancha scur y otro daño na cuero induci pa solo.

4. Exfoliacion:

Exfoliacion regular ta esencial pa elimina cel morto for di e cuero y promove renonacion celular, revelando un cuero fresco y radiante. Sinembargo, ta crucial pa haya e balansa adecuado. Evita exfoliacion excesivo, ya cu e por causa iritacion y segura. Como regla general, ta exfolia un biaha pa siman, a menos cu bo cuero ta sensitivo, despues por baha esaki pa cada dos siman. Haci uzo di un exfoliante suave of considera tratamiento di exfoliacion profesional pa mantene un textura saludabel di bo cuero.



5. Alimentacion ta cuminsa for di paden:

Corda cu un curpa saludabel ta cuminsa for di paden. Concentra bo mes riba un dieta bon balansa rico na fruta, berdura, grano integral y proteina. Inclui cuminda rico den antioxidante, manera berries y berdura di blachi berde, por proteha bo curpa for di daño ambiental y yuda mantene vitalidad. No lubida di incorpora den bo dieta e acidonan vet esencial cu ta wordo haya den pisca, noot y simia, pa nan propiedadnan anti-inflamatorio.

6. Maneho di stress:

Stress por causa daño na nos cuero, provocando brote, segura y enbehecimento prematuro. Implementa actividad pa reduci stress, manera meditacion, yoga of hasta un simpel caminata den naturalesa. Priorisa cuidu propio y haya e forman saludabel pa controla stress por mehora salud y apariencia di bo cuero significativamente.

Cuminsando cu un rutina di cuidu di cuero cu ta enfoca riba e consehonan esencial aki por marca un diferencia notabel den salud di bo cuero di cutis. Corda personalisa bo rutina di cuidu di cuero segun bo necesidadnan específico y consulta cu un profesional di cuidu di cuero pa haya conseho y tratamiento personalisa pa cuidu di cutis. Dedicando algun minuut cada dia na cuidu di bo cuero, bo lo disfruta di e beneficionan di un cutis radiante y saludabel durante henter aña.

Alergia, kico e ta y con pa biba cu ne

HOPI biaha riba diferente medio social por tuma nota di e anuncioan avisando cu tin un nubia di stof di Sahara cu ta cubri Aruba, cual por stroba visibilidad y ta reduci e calidad di aire ariba nos isla. Cu yegada di e nubia aki ta hopi ta esunnan cu ta haya molester di nan sistema respiratorio, debi n'e sintomanan di alergia y ta haya nan ta recorri na botica pa busca remedi.

Ademas di e stof di Sahara, e temporada di comienso di aña, ora cu e matanan ta cuminsa floria tambe sa trece molester cu ne pa hende cu ta sensitivo pa esaki. E sintomanan manera nister, wowo ta basha awa, tosamento, nanishi ta core, cual den boca di pueblo ta wordo referi como 'alergia pa stof'. A pesar cu alergia pa stof ta un problema comun, e termino 'alergia' ta encera mas cu solamente sintoma di sistema respiratorio y por wordo causa tambe pa diferente fuente. Alergia ta referi na problema comun cu hopi hende ta enfrenta. Nan ta sosode ora e sistema di defensa di nos curpa, conoci como sistema inmunologico, ta reacciona fuertemente na cos cu normalmente ta inofensivo. E cosnan aki ta wordo yama alergen. Ora nos sistema inmunologico reacciona na un manera exagera, e por causa sintoma cu ta haci nos sinti nos incomodo of hasta enfermo.

Tipo di alergia: *Alergia por bin di hopi fuente, entre otro:*

Medicamento: algun hende tin alergia na cierto remedi, manera penicilina.

Alimento: alergia na cuminda manera cuminda di lama, pinda, webo y lechi ta bastante comun.

Insecto: pica di bij y sangura por causa reaccion alergico.

Latex: Algun hende ta alergico na latex, cu ta wordo uza pa traha handschoen y blaas por ehempel.

Mofo (mold): e spoornan di mofo den aire por trece alergia.

Mascota: lana, saliva of caspa di cacho y pushi por causa alergia.

Pollen: pollen di mata, yerba y flor por empeora alergia.

Cada persona por reacciona diferente n'e alergenonan, pero e sintomanan comun ta inclui nister, secrecion di nanishi, wowo cora cu ta yora, erupcion di cuero (rash) of hasta problema pa hala rosea den caso severo.

Diagnostica y tratamiento di alergia: Si tin e sospecho cu e sintomanan por ta un indicacion di un alergia, mester consulta cu dokter di cas. Nan lo haci pregunta riba e sintomanan y por laga haci test pa identifica e fuente di e alergia. Ora cu e fuente di alergia ta conoci, dokter lo recomenda e miho tratamento pa esaki. Alergia riba su mes no tin cura, ta cuestion di siña biba cu esaki.

Tratamento pa alergia: Evita alergenonan: si ta posibel, keda leu for di e cosnan cu ta pone e alergia manifesta, ta e miho manera pa evita sintomanan.



Medicamento: Bo dokter por prescribi remedi manera antihistaminico of aerosol na nanishi pa yuda controla bo sintomanan. Awendia por haya varios antihistaminico cumpra riba reki na botica, sin tin mester di receta di dokter.

Imunoterapia: den algun caso, por recomenda imunoterapia cu alergen, tambe conoci como vacuna contra alergia, pa reduci nan sensibilidad na alergen cu tempo.

Alergia alimentario: Un tipo di alergia cu ta duna diferente reaccion y porta peligroso y hasta mortal ta Alergia Alimentario. Alergia alimentario ta sosode ora cu bo curpa ta reacciona riba cierto cuminda manera sifuera nan ta invasornan dañino. Esaki por causa sintoma cu ta varia for di 'lenga ta pica' leve te cu reaccionnan potencialmente mortal manera anafilaxia. Alergen di cuminda comun ta inclui pinda, webo, lechi y seafood.


Controla alergia alimentario ta encera: Evita cuminda cu ta causa e alergia: Lesa e labelnan cu hopi atencion y tene cuenta ora di sali pa come afo, por yuda preveni exposicion accidental na alergen. Pa esunnan cu tin un alergia alimentario grave, ta importante pa semper tin un Epi-pen (autoinjector di epinefrina) y sa con pa uza esaki den caso di emergencia.

Bida cu alergia: Bida cu alergia por ta un reto, pero tin paso cu por sigui pa minimalisa su impacto riba bo bida diario. Mantene bo ambiente limpi, limpieza regular por yuda reduci alergen manera stof, mofo y lana di mascota den bo cas. Uza producto cu ta apto pa alergia. Considera di bisti paña hipoalergenico, purificado di aire y stofzuiger pa reduci alergen den bo ambiente. Siña tur loke bo por tocante bo alergia y con pa maneha esaki na un manera efectivo. Keda pendiente pa pronostico di pollen y cambio den calidad di aire pa evita exposicion na alergen.

Alergia ta un fenomeno comun, cu conocimiento y strategia adecua, por minimalisa su impacto riba bo bida. Den colaboracion estrecho cu bo dokter di cas, tumando medida pa evita alergen y controlando bo sintomanan, bo por disfruta di un miho calidad di bida, a pesar di tin alergia.

E caminda pa supera PTSD

Recuperando speransa y sanacion



DEN complehidad di nos bida, nos tur ta haya momento cu ta laga un marca profundo den nos alma. Pa algun hende, e momentonan aki ta bira sombra cu ta rondona nan existencia diario, oscureciendo alegria y tranquilidad. Esaki ta e realidad inkietante di esunnan cu ta trata cu Trastorno di Stress Post-Traumatico (PTSD). Pero, estimado lector, Team AWEMainta kier pa bo sa cu speransa y sanacion nunca ta for di bo alcance.

Reconoce bo bataya

E prome paso na caminda pa sanacion ta reconocimiento. E curashi pa enfrenta e scuridad interno ta un testimonio profundo di bo forsa. Reconociendo bo bataya cu PTSD, ya ta un paso grandi y importante den direccion pa recuperacion.

Busca guia profesional

No enfrenta e bataya aki bo so. Comunica cu e profesionalnan di salud mental, e heroenan anonimo di nos tempo, por ta bo salvacion. Terapeuta, psicologo y psiquiatra ta specialisa den duna guia pa surpasa trauma.

E poder di terapia

Terapia por ta bo santuario. Terapia basa riba evidencia, manera terapia di conducta cognitivo (TCC) y desensibilisacion y reprocesamento di movecion di wowo (EMDR), por yuda cambia e narrativa di bo trauma. E terapianan aki ta duna bo e hermentnan pa recupera bo bida y re-skirbi bo historia.

Uzo di medicamento como sosten

Den algun caso, bo guia profesional di salud mental por prescribi medicamento cu ta ofrece un alivio significativo di sintoma di PTSD. E remedinan aki, combina cu terapia, por habri e caminda pa libertad emocional.

E importancia di tin un red social

Apoyo di bo circulo social, bo famia y bo amigonan por forma un forsa di amor y comprension. Amigo y famia, ora nan ta bon informa y ta empatico, por ta aliado poderoso den e bataya contra PTSD.

Cuido propio como ritual

Cuido propio no ta un luho sino un necesidad. E ta alimenta bo curpa, mente y spirito door di ehercicio, nutricion balansa, drumi suficiente y practica di atencion completo. E actonan di amor propio aki por ta transformado.

Enfrentando 'Triggers' cu resiliencia

Enfrenta bo triggernan cu un resiliencia incoherente. Identifica y compronde kico ta 'trigger'bo ta e prome paso pa surpasa nan. Corda cu bo no ta wordo defini pa bo pasado; bo ta diseñando bo futuro.

Educacion y empoderamento

Conocemento ta un herment poderoso. Informa bo mes tocante PTSD, y e caminda bo dilanti. Compronde e ruta cu bo mester cana lo duna bo e poder pa cana cu gracia.

Un faro di speransa

Estimado lector, ora bo ta pasa den e caminda tumultuoso di PTSD, corda cu bo no ta bo so. E caminda pa sanacion por ta un reto, pero tambe un caminda asfalta cu curashi y determinacion firme. Reclama bo bida bek, brasa bo resiliencia y nunca perde bista di e faro di speransa cu tin na horizonte.

Bo biahe pa sanacion ta un acto di amor propio profundo y un inspiracion pa otro cu ta sigui e caminda aki. Hunto nos por surpasa e sombra, emergiendo den e luz radiante di recuperacion. Bo ta mas fuerte cu bo ta kere, y bo historia ta un testimonio di e spirito humano indomabel.



Bin bishita nos y probecha!
Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Clash di Poder

Con coalicion di pasado y awo ta nabega política Hulandes

MIENTRAS Hulanda ta nabega den e balansa delicado di poder entre su gobiernonan saliente y entrante, tension ta bolbe baha mientras agenda conflictivo y cambio den dinamica ta forma e panorama politico. Cu e formacion di un coalicion nobo den marcha, consistiendo di e partidonan PVV, VVD, NSC y BBB, e gabinete demisionario actual, consistiendo di VVD, D66, CDA y CU, ta den desacuerdo cu su posibel sucesor.

Un ehempel di e enfrentamento aki a surgi cu e futuro di e sistema di radiodifusion publico. E gabinete demisionario inicialmente tabatin intencion di extende e licencia di e organisacion sin fin di lucro pa dos aña, pero a enfrenta oposicion di e coalicion den formacion, cu ta busca promulga e reformanan anterior. E diferencia di enfoke aki ta enfatisa e prioridadnan divergente entre e gobierno bieu y e posibel gobierno nobo.

E panorama politico a experencia un cambio sismico despues di e eleccion di 22 di november, cu a resulta den mayoria parlamentario nobo y un dinamica di poder redefini.



E coalicion entrante, cu sosten di mayoria den Tweede Kamer, ya a desafía varios iniciativa defendi pa e gobierno saliente, incluyendo e leyman Europeo di restauracion di naturalesa y e leyman proponi riba criansa door di pariente multiple.

Ademas, e maneho di e problemanan critico, manera e cifranan creciente di asilo, ta enfatisa e complicacionnan di gobernacion durante un periodo di transicion. Mientras cu e funcionarionan dimiti ta sigui propone maneho, nan ta pospone e decisionnan financiero pa e negociadonan cu ta drenta, balansando riba un liña fini entre continuidad y diferencia.

Particularmente e rol di VVD, e unico partido den e gabinete demisionario involvi den e negociacionnan di e coalicion, ta agrega un otro capa di complehidad.

Segun cu e discusionnan ta progresa, e preguntanan ta surgi tocante e strategia di e partido pa balansa su compromiso actual y futuro, loke ta genera tension entre e partnernan di e coalicion y den e gobierno saliente.

E caminda pa sigui ta keda insigur, ya cu e formacion di un gabinete nobo ta progresa lentamente bou di direccion di informador Dijkgraaf y Van Zwol. Mientras cu esfuersonan ta continua pa cera e diferencia entre e coalicionnan bieu y entrante, e posibilidad di enfrentamento nobo ta grandi te ora un gobierno nobo asumi e cargo.

Memey di e baile intrinca di poder aki, e panorama politico Hulandes ta keda den cambio continuo, destacando e desafionan inherente na e transicionnan di gobernacion y e interaccion delicado entre continuidad y cambio.

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Corte Supremo di Arizona ta mantene prohibicion di abortus manera estableci na 1864

E decision di Corte Supremo di Arizona pa mantene un ley di 1864 cu ta prohibi mayoria di aborto den e estado a provoca un debate intenso y maniobra politico. E ley, inactivo for di Roe v. Wade na 1973, ta permiti aborto solamente pa salba bida di e muhe na estado. A pesar di e sentencia, Fiscal General democrata Kris Mayes a anuncia cu e no lo procesa bou di prohibicion, calificando esaki como un paso regresivo.

E decision aki a duna energia n'e partidonan di e derecho na aborto, cu tin como meta consagra e derecho di aborto den e constitucion estatal a traves di un medida electoral di november. E medida aki lo afirma aborto como un derecho fundamental te na mas of menos 24 siman di embarazo.

Gobernador Katie Hobbs a condena e decision y a urgi e partidonan pa mobilisa pa e proximo eleccion, primintiendo di proteha acceso a atencion reproductivo.

E candidato democrata pa Senado, Rubén Gallego, a critica e ley como extremista y a priminti di defende e derecho pa aborto na nivel federal.



E sentencia tin implicacionnan mas leu di Arizona, cu proveedonan di aborto manera Planned Parenthood Arizona comprometiendo nan mes pa sigui cu e servicionan den e limitenan legal. Esaki ta enfatisa e rol di Arizona den duna-mento di cuidu medico reproductivo pa e stadnan bisiña.

Mientras Arizona ta bira un punto focal den e debate nacional riba aborto, e eleccionnan di november ta bira un campo di bataya pa e futuro di e derecho di aborto den e estado.

Parlamento di Union Europeo ta aproba pakete di reforma di migracion

UNION Europeo (UE) a tuma un paso grandi pa reforma su maneho di migracion despues cu Parlamento Europeo a vota na favor di un pakete nobo. E plan aki ta trata e carga cu e paisnan cerca di e costa di lama Mediteraneo ta carga, kendenan históricamente ta ricibi e cantidad di mas grandi di petition pa asilo.

Anteriormente, e Regulacion di Dublin tabata atribui e responsabilidad pa procesa e petition di asilo n'e estado miembro caminda nan a drenta pa prome biaha den UE. E intencion di e reforma aki ta pa distribui e carga aki di un manera mas husto. E reubicacion di solicitantenan di asilo y e ayudo financiero na paisnan abrumado ta entre e solucionnan proponi.

E reformanan ta tuma luga memey di un sentimento di anti-inmigracion cu ta crece rond Europa. E eleccionnan nacional

programa pa juni ta un factor clave, y e partidonan dominante ta spera di demostra nan compromiso pa trata e problema.

E sistema nobo no ta sin limitacion. Mientras cu e Reglamento di Dublin ta wordo elimina, e carga di procesamiento lo sigui cay principalmente den e paisnan di prome linea. Ademas, e “*mecanismo di solidaridad*” cu ta permiti otro miembronan di estado contribui financieramente en bes di acepta refugiadonan por genera desacuerdo.

A pesar di e limitacionnan aki, e reformanan ta representa un cambio significativo pa UE. E meta ta pa promove confianza entre e miembronan y crea un percepcion di control riba migracion. E exito di e reformanan aki lo depende di un implementacion efectivo y di un posibel disputa politico entre e estadonan miembro.

Bogota ta enfrenta racionamento di awa pa motibo di reserva historicamente abou



BOGOTÁ, e capital di Colombia, ta enfrentando un scarsedad di awa grave, ya cu su reservanan ta enfrenta e nivelnan historicamente abou como consecuencia di e fenomeno climatico, di El Niño. Alcalde Carlos Fernando Galán a anuncia dialuna cu e ciudad lo implementa medida di racionamento di awa cuminsando diahuebs pa motibo di e estado critico di e reservanan, cu ta na nan nivel mas abou for di mita di e decada di 1980.

E segura, intensifica pa El Niño, ta asota e region desde juni 2023, provocando periodo seco prolonga y temperatura halto. Como resultado, mas of menos 9 miyon persona na Bogotá lo keda afecta pa e restriccions, destina pa reduci e consumo di cas cu 11%.

Galán a enfatisa e naturalesa temporal di e medidanan, afirmando cu awa ta necesario pa alivia e situacion. Sinembargo, el a reconoce tambe e problema mas amplio di cambio climatico, urgiendo na e necesidad di cambio di comportacion sostenibel pa garantiza suficiencia di awa a largo plaso.

E ciudad a wordo dividi den nueve sector, y cada sector lo experencia un corte di awa di 24 ora den e dianan designa, rotando durante e ciclo te ora e nivelnan di awa mehora. Tin plan di contingencia pa servicio esencial manera hospital y scol pa garantiza cu nan tin acceso continuo na awa.

Presidente di Colombia, Gustavo Petro, a declara un desaster natural na januari pa mobilisa recurso adicional pa trata e impacto di El Niño, cu ta inclui candela forestal y stress di awa.

E crisis na Bogotá ta refleha reto similar cu e otro ciudadnan den e region, manera Ciudad di Mexico, ta enfrenta, caminda varios aña di precipitacion abou y temperatura halto a contribui na un crisis grave di awa.

Mientras Colombia ta prepara pa e efectonan di cambio climatico, e anuncio di Galán ta enfatisa e urgencia pa adopta practica sostenibel di maneho di awa pa mitiga crisis den futuro y garantiza seguridad di awa pa tur residente.

DEPORTE

deporte@awemainta.com

Alyssa Naeher ta hiba Merca n'e victoria den e 'SheBelieves Cup' cu porteria heroico



DEN un enfrentamento final emocionante di e SheBelieves Cup, e portero Alyssa Naeher a surgi como e heroína di Merca, strobando tres pinalti crucial y convirtiendo su propio intento pa sigura un victoria di 5-4 den pinalti contra Canada. E victoria ta marca e di cinco titulo consecutivo di e Mericanonan den e prestigioso torneo.

E partido, cu tambe a sirbi como e ultimo salida cu entrenado interino Twila Kilgore, a musta e habilidad excepcional di e portero Naeher door di frustra e intentonan di Jade Rose, Cloe Lacasse y Evelyne Viens den e tanda di pinalti. Emily Fox a seya e victoria di Merca cu un tiro decisivo den e di shete buelta.

A pesar di un bataya intenso, e rivalnan a termina e tempo reglamentario empata na 2-2. E Canades Adriana León a anota dos biaha, habriendo e marcador den minuut 40 y despues convirtiendo un pinalti den minuut 86 pa nivela e wega. E delantero Mericano Sophia Smith a resulta fundamental, anotando e dos golnan Mericano pa mantene su ekipo den e wega.

Smith su prome gol den minuut 50 a iguala e marcacion, mientras cu e di dos, asisti pa Trinity Rodman den minuut 68, a hiba Merca dilanti. E encuentro interesante a musta e resiliencia y habilidad di ambos ekipo, preparando e escenario

pa un conclusion dramático por medio di pinalti.

E victoria a consolida dominio di Merca den e SheBelieves Cup, solidificando ainda mas su status como un poder den futbol femenino. Pa futuro, Emma Hayes lo asumi e funcionnan di coach di e ekipo den e proximo exhibicionnan contra Sur Korea na juni, den cual Kilgore lo keda forma parti di su personal.

E partido tambe a mira e regreso di Mallory Swanson den accion, ya cu el a drenta como suplente den e di dos mita. Swanson, kende tabata ausente pa un aña pa motibo di un lesion, tabatin un impacto significativo despues di su recuperacion.

Sinembargo, e wega no tabata sin controversia, ya cu Korbin Albert a haci su di dos aparicion consecutivo memey di scrutinio di publicacion di pasado riba su rednan social. E hungado di 20 aña, representando Paris Saint-Germain, a emiti un disculpa pa comparti contenido ofensivo riba su cuenta di TikTok, reconociendo su accionnan como inmadura y falta di respet.

Por lo general, e final di SheBelieves Cup a duna un muestra di talento, determinacion y deporte, subrayando e atractivo duradero y e emocion di futbol femenino na nivel internacional.

Tiger Woods ta kere cu e por gana Masters strobe a pesar di e dolornan diario

TIGER Woods ta keda optimista riba su chensnan pa sigura un di seis titulo di Masters e siman aki, a pesar di lucha cu un dolor persistente. E leyenda di golf Mericano, reconociendo e retonan fisico cu e ta enfrenta, ta kere cu tur cos mester ta perfectamente alineado pa e triunfa un biaha mas.

Papiando prome cu e torneo di Masters na Augusta, e prome torneo importante di aña, Woods a expresa su confianza den su capacidad pa sigura victoria. Sinembargo, el a enfatisa e importancia cu tur e elementonan ta alineado pa exito por ta na su alcance.

E hungado di 48 aña a competi pa ultimo biaha na februari na Genesis International na Los Angeles, pero el a wordo obliga pa retira despues di seis buraco den e di dos dia pa motibo di un malesa. Su ultimo torneo completo tabata na Hero World Challenge na Bahamas na final di aña pasa, unda el a bolbe hunga golf competitivo despues di un ausencia largo pa motibo di un lesion serio den su pia, cual el a sufri den un accidente di auto na 2021.

A pesar di a pasa den un operacion y rehabilitacion, Woods ta sigui sufri di dolor. Mientras cu su cabes no ta preocupa mas, otro area di su curpa, incluyendo lomba y djente, ta soporta e pio parti di e tension, specialmente durante e caminata extenso rekeri na Augusta National Golf Club, unda Masters ta tuma luga.

Reconociendo e costo fisico di e torneo, Woods a admiti di experiencia e molestianan diario. A pesar di esaki e ta enfocando riba e pronostico meteorologico faborabel pa e



evento di e aña aki compara cu e condicionnan desafiante di e edicion anterior.

Despues di a gana Masters cinco biaha anteriormente na 1997, 2001, 2002, 2005 y 2019, Woods no ta un desconoci pa gana na Augusta. Su victoria na 2019 a marca un regreso notabel despues di un segura di diesun aña den victoria den torneo importante.

Mientras Woods ta preparando pa duna e golpi di salida den e di 88 edicion di Masters, su determinacion lo surpasa adversidad y competi na e nivel mas halto ta sirbi como testimonio di su resiliencia y legado duradero den e mundo di golf.

FC Barcelona a gana Paris Saint-Germain 3-2 den cuarto final Champions League

BARCELONA a cuminsa poco poco, pero a crece den wega y a tuma e liderazgo den prome mita di e wega por medio di Raphinha. PSG a crece den e di dos mita cu golnan di Ousmane Dembélé y Vitinha, pero Barcelona no a entrega. Raphinha a empata atrobe prome cu e defensor Andreas Christensen a score e gol di victoria cu un headshot.

Frenkie de Jong a bolbe Barcelona despues di un luna di ausencia debi na un lesion na su enkel. El a hunga bon prome cu el a wordo reemplasa.

E siguiente lo tuma luga e siguiente siman na Barcelona.



2 - 3




Dembélé 48' ⚽
Vitinha 50' ⚽
Vitinha 65' 🟡
Beraldo 89' 🟡

🟡 Roberto 34'
⚽ Raphinha 37'
⚽ Raphinha 62'
⚽ A. Christensen 77'
🟡 Cubarsí 82'
🟡 A. Christensen 88'
🟡 Lopez 89'

Cuminsando cu Paris 2024

World Athletics ta introduci premio financiero den e Weganan Olimpico



DEN un forma innovativo, World Athletics a declara su intencion di ofrece premio financiero na e Weganan Olimpico, marcando e prome biaha cu un federacion internacional lo provee recompensa financiero n'e medayistanan. E anuncio ta tuma luga prome cu e Weganan Olimpico na Paris 2024, unda a aloca un suma total di 2.4 miyon dollar na premio, y e ganadonan di medaya di oro lo ricibi 50.000 dollar cada un.

E decision ta representa un cambio significativo den e maneho di e organismo mundial di atletismo, y e presidente di World Athletics, Lord Coe, a elogia esaki como un "momento crucial" pa e deporte. Basa riba e iniciativa nobo, e medayistanan n'e Weganan Olimpico di Paris 2024 lo tin derecho di ricibi premio den placa, cu planes pa extende e schema n'e medayistanan di plata y brons n'e Weganan di Los Angeles 2028.

Na Paris, unda 48 evento di atletismo ta programa, e teamnan di relevo ganado di medaya di oro tambe lo comparti e placa di premio. Coe a enfatisa e importancia di reconoce e contribucion di e atleta na e exito di e Weganan Olimpico y

empodera nan a traves di recompensa financiero.

Mientras cu el a reconoce e balor inherente di exito Olimpico mas leu di compensacion monetario, Coe a enfatisa e necesidad di inicia un sistema na unda cu e atleta ta haya algo bek di e entradanan cu nan mes a yuda genera. World Athletics tin intencion di anuncia e formato y structura di e premio monetario pa e Weganan di 2028 mas cerca di e evento.

Sinembargo, e elegibilidad pa e premio lo depende di e atleta cu ta someti y aproba e procedimentonan anti-doping standard, sigurando asina e igualdad y integridad den e deporte. E iniciativa di World Athletics ta contrario na e tradicion di e Comité Olimpico Internacional di no duna premio den placa directamente na e atletanan, pero ta distribui fondo via e federacionnan y Comité Olimpico Nacional.

E introduccion di premio monetario n'e Weganan Olimpico ta representa un desaroyo significativo den e mundo di deporte, reflehando un reconocimiento creciente di e contribucionnan di e atleta y e importancia di incentiva excelencia riba escenario mundial.

Lider di oposicion, mr. Mike Eman:

10 cen aumento prijs gasolin ta responsabilidad di Evelyn Wever Croes



DIAMARS Aruba a haya den su scochi atrobe e anuncio for di minister di asuntonan economico Geoffrey Wever tocante otro aumento den e prijs di gasolin riba nos isla. Un cambio cu, manera ta custumber, tin su efecto domino den henter e cadena di suministro y servicio, afectando hunto cu ne, e poder di compra di e ciudadano.

Lider di Partido di Pueblo Arubano, AVP, mr. Mike Eman ta bisa cu Evelyn Wever Croes a kita e descuento di 10 cen pa liter di gasolin cu tabata vigente te na 2017 durante Gabinete Mike Eman I y II. Kitando e reduccion aki ta haci cu Gabinete Wever Croes no por laba man sin mas awe y bisa cu e aumento ta netamente internacional. Tambe Gabinete Wever Croes a aumenta e BBO di 3% pa 7%. E 7% aki ta wordo paga den dos schakel riba gasolin. E schakel di FEMSA/RDA p'e gasolin station y di gasolin station p'e cliente.

Tur esakinan si ta medidanan di gobierno cu awe ta haci e prijs di gasolin aun mas caro cu unicamente e efecto internacional. P'esey Evelyn Wever Croes ta responsabel pa e castigo aki cu Pueblo ta pasando aden.

T'e medidanan aki di Evelyn Wever Croes ta locual ta haci cada aumento internacional aun mas severo y pisa pa pueblo. Eman ta bisa cu su gobierno a laga di cobra 12 milyon pa aña n'e 10 cen di descuento aki 8 aña largo pa pueblo haya un alivio, practicamente 100 milyon a laga den

saco di pueblo y e prome cos cu Evelyn Wever Croes a haci ta kita e descuento aki di pueblo y riba dje subi BBO di 3% pa 7% locual ta dal pueblo den dos schakel, 14% ariba dje.

"Tur aña tabata sacrifica di nos gabinete 12 milyon florin pa por a subsidia cu e 10 cen aki y un di e prome medidanan cu Gabinete Wever Croes, cu den campana a bisa cu lo baha gasolin, tabata di kita e descuento di 10 cen aki," asina e lider di oposicion, mr. Mike Eman a indica.

"Den e contexto aki Gabinete Wever Croes ta carga un responsabilidad directo pa e peso di e gasolin cu ta asotando nos pueblo y cu awe ta asota atrobe nos comunidad."

Tabata un irresponsabilidad di MEP, pa den tempo di campaña priminti di lo baha gasolin, sabiendo cu esey ta practicamente imposibel y ainda ta wardando e barco di Glenbert Croes cu gasolin barata yega. Obviamente tabata djis promesa fofo cu MEP a haci. Loke si e gobierno actual por a haci tabata di mantene e descuento di 10 cen; algo cu AVP si a logra den tempo hopi mas dificil pa entrada di Pais Aruba. Tambe mester a exonera gasolin di e BBO di 7%, pero esey tambe ta bay den saco di Gabinete Wever Croes. *"Insult on injury"*, Eman ta expresa.

Den conclusion, e lider di AVP a recorda un y tur cu si awe na pomp di gasolin bo tin cu paga atrobe, corda cu 10 cen di e aumento aki y e 14% di BBO ta directamente culpa di Evelyn Wever Croes y su medidanan.

Eric Ras(Curpa):

E crisis economico ta mas grave di loke gobierno kier laga nos kere

E Gobierno ta bati riba nan pecho cu a logra un surplus y cu Fitch y S&P lo a gaba e maneho y e grado di credibilidad financiero di Aruba, pero mientras tanto e crisis economico di Aruba ta mas grave cu nunca. Esaki t'e politiconan cu mientras den oposicion a core campaña na 2017 di conoce e materia, a studia e materia y lo goberna sin medida.

Apenas a drenta gobierno cu fiesta di malgastamento di placa di pueblo a cuminsa. Biaha rond di mundo y sin alivia e necesidadnan mas importante pa nos pueblo y nos Isla. Un prioridad t'e Bubaliplas. Hotel a entama caso contra di gobierno te cu hues a pone un dwangsom pa gobierno pero nada no ta wordo haci di parti di gobierno.

E topico aki no ta desconoci pa gobierno paso na 2019 a laga Carmabi haci un investigacion. Den e rapport ta duna indicacion cla cu nos rif di coral ta degrada y empeorando lihe. A recomenda cu mester actua responsabel y urgentemente, pero e rapport a bay scondi den lachi mientras tabata habri sluis pa laga awa sushi bay lama. E mesun hotel a bolbe lanta un caso contra di gobierno paso gobierno ta sinta man crusa y no ta haci nada. Ta traha yen di comision gasta placa y haci nada.

Un planta di 50 aña bieu cu no ta for di awor sino di hopi tempo ta papia di urgencia pa haci cambionan necesario pa alcapara e gran cantidad di camber di hotel cu a bin acerca. E urgencia nunca a haya prioridad, paso awe den 2024 e situacion ta hopi mas pio di locual cu e tabata ta. Na inicio di aña 2023 e minister encarga, Ursell Arends, pero tambe Prome Minister Evelyn Wever Croes a duna di conoce cu pa luna di maart 2023 mester a finalisa cu henter e proceso di rehabilitacion di e Riool WaterZuiveringsInstallatie. Ningun proceso a keda cla paso ta ranca siboyo sin pone man na obra. Un rato kier a cobra e turista na aeropuerto y un rato inclui den e tarifa di camber di hotel. Minister Arends ta papia hopi pero e no tin ningun autoridad corda pa dicidi mientras su nomber ta wordo lastra.

Gobierno ta hunga cu e galiña cu pone ta webo di oro. A ranca tur e pluma for di e galiña caba. E unico pilar economico cu nos tin ta na peliger pa falta di maneho di gobierno. Entrada di gobierno a subi e ultimo aña cu mas di 500 miyon florin pero no ta mira unda e placa ta bay. Aruba tin 7 aña perdi pa falta di vision di un gobierno cu no sa di administra placa di pueblo. Tur empresanan estatal di gobierno ta den cora. Gobierno ta bon saca bonds pa loco y nos companianan estatal ta esnan cu ta cumpra e bonds. Continuamente bo ta mira banco central saca anuncio pa bonds. Prijs di cuminda

ta sigui subi mundialmente.

Na Alaska un caha di awa ta 37 dollar y boter di pinda 10 dollar y no papia mes di prijs di un pida carni. Prijsnan den supermercado ta cambia tur siman y imagina esnan cu no tin trabao y tin cu biba di un pensioen di biehes. Na mas di un ocasion nos di partido Curpa a bisa cu situacion mundial ta bay bira dificil y Aruba ta un isla cu ta importa tur cos. Nos a keda depende riba un pilar economico y nos tin experiencia kico a pasa na 2020 ora di e lockdown.

Nos di partido Curpa ta kere cu mester bin mas cu un pilar economico y enbes di sigui rosa mondi pa bin cu mas construccion nos mester planta mas. E dia lo yega y nos lo corda ora escasez di cuminda bati na nos porta. Lo bin e 'great reset' caminda lo bo no por swipe ni lanta placa. Ora e situacion aki bati na nos porta nos lo grita pero lo ta laat. Gobierno lo sali na careda. E situacion cu nos isla ta aden ningun politico a bin cu solucion. Mas cu 20 aña nan a presenta yen di promesa pero locual cu nan a cumpli cu ne ta yen di debe.

Partido AVP tin 10 punto bunita pero tur e puntonan ey ta pa saca placa for di un galiña sin pluma. Na 2027 bonds ta caduca cu ta casi 3 biyon florin sino ta mas. Lo mester bolbe renobe? Partidonan cu no ta honra Dios no tin ningun solucion paso ta nan mes a crea e desastre financiero cu nos ta aden. E bendicion ta bin di esnan cu ta honra Dios y ta respeta Dios su leyman. Partido Curpa e unico alternativa.



Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lónico

Masaje Reductor

Masajes reductores contiene:

- Aparatología Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

MEP lo sigui aumenta pension responsablemente

A subi pensioen 4 biaha pa un total di 15% entre 2017-2024

PARTIDO MEP ta un partido cu semper a pone nos adultonan mayor, nos pensionadonan na prome luga. Den un mundo di progreso, hopi biaha e sabiduria y e contribucion di esnan cu a construi nos pais, ta wordo tira un banda pa gobiernonan. Sinembargo, Partido MEP semper ta keda firme, pasobra e grandesa di un sociedad no ta wordo midi door di su avancen, sino door di con e pais ta cuida di su adultonan mayor. E bienestar di nos ciudadanonan aki tin prioridad pa Partido MEP. Nos meta ta pa segura e dignidad di nos pensionadonan, brindando nan seguridad y comodidad dentro di un maneho responsabel. For di aumento di placa di pension, cuido medico, y servicio social alcansabel, cada decision cu a wordo tuma pa Partido MEP,

ta basa riba e principio cu ningun pensionado, ningun adulto di edad avansa, mester sinti su mes bandona y laga atras. P'esey, Partido MEP no ta haci promesanan falso, pero ta traha na bienestar di esnan mas vulnerabel den nos pais. A pesar di tur crisis cu nos pais a enfrenta, desde cu Gabinete Wever-Croes a drenta gobierno, a subi pensioen 4 biaha pa un total di 15% entre 2017-2024. Ademá, Gobierno lo por subi e pensioen e aña aki atrobe. Y cada biaha cu MEP a hisa pension pa nos grandinan, MEP a haci esaki responsablemente. MEP a hisa reparatie toeslag di pensionadonan y a baha impuesto pa asina suavisa calidad di bida di nos ciudadanonan mayor.

"Nos adultonan mayor ta e constructor y pilarnan di nos pais. Compromiso di Partido MEP den gobierno ta pa sirbi nos pueblo pa un miho futuro, sea cua sea ta bo edad. Partido MEP ta balora, respeta y brinda cuido y speransa na cada ciudadano y specialmente na nos adultonan mayor. Nos compromiso ta sigui pa no solamente nos aprecia nan, sino pa gradici nan pa e hecho cu nan ta e pilarnan riba cua nos sociedad awe ta para firme", Lider di MEP a enfatisa.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Juni Croes (AVP):

Gobierno di MEP hayando 500 miyon extra ta contra aumento di 50% na nos pensionadonan



MANERA den pasado ora Partido MEP a bay contra e redoblacion di pensioen di nos pensionadonan den añanan 90, Partido MEP un biaha mas ta demostra su menosprecio pa nos pensionadonan cu tanto a sacrifica nan bida pa progreso di nos pais bisando cu no por duna nan e aumento di 50%.

Esey ta wordo confirma pa palabranan di un Parlamentario di MEP cu a declara cu pensionadonan lo mester warda te cu otro aña pa haya un aumento di mas o menos 40 pa 50 florin, un aumento cu ta mara pa ley. Ta parce cu p'e Gobierno di Partido MEP 40 of 50 florin mes lo ta suficiente pa nos grandinan.

E Gobierno aki cu a haya 500 miyon extra na entrada door di tur e medidanan imponi ariba lomba di pueblo, manera un aumento di BBO, y cu medida nobo manera un BBO na frontera, ta keda sin absorba e accijns ariba gasolin, y cada biaha gasolin ta keda subi, coriente y awa a casi redobla door di keda ranca placa di Elmar y WEB, anto cu tur e 500 miyon extra na entrada aki no kier duna un aumento mercedi di 50 % na nos pensionadonan, y no cu e aumento aki lo haci cu nos pensionadonan lo bay biba den luho tampoco, pero sikiera e por yega un poco cerca di e minimo cu e pensionado mester pa por biba un poco mas comodo. Ta kico a haci cu e 500 Miyon extra aki? Cu no por duna un aumento awo na nos pensionadonan? Pueblo keda pendiente pa mira na unda e gastamento di placa aki a bay.

Gran parti di e placa casi sigur lo a bay na biahamento rond di mundo di e gobierno aki su ministernan. Mientras ta keda gasta placa na biahamento.

E mesun parlamentario di MEP aki cu a declara cu pensionadonan mester keda warda te otro aña pa haya 40 of 50 florin, e parlamentario aki si hunto cu 2 otro colega di MEP ta keda den camber hunto den un hotel na Hulanda, pa spaar placa cu ta Sali di saco di pueblo. Ta spaar mas di 300 dollar pa dia cu ta bay den nan saco, pero e pensionado segun Partido MEP si mester warda te otro aña pa e por haya su 40 florin. Ta un bofta y un insulto den cara di nos pensionadonan. Pa AVP den ningun asunto, color politico mester hunga un rol, sigur no, ora ta trata nos pensionadonan.

Pasobra tur pensionado, sea ta MEP of AVP, of otro color politico, merece un aumento cu lo por yuda nan biba un bida mas trankilo y pa asina nan por disfruta e fase bunita di e bida aki den harmonia cu nan famia. Despues di a pasa casi henter un bida ta traha pa e pais aki.

Pero un palabra di sosten na nos pensionadonan, tene fe. Ta compromiso sagrado di mi persona y henter Partido AVP bou di liderazgo di sr Mike Eman pa duna e aumento aki manera AVP ta den gobierno, cu no ta simplemente un promesa of un deber, pero un mester!

Y si acaso tin esnan cu ta duda un poco ainda, cu e aumento aki ta uno realistico y sostenibel, djis tuma ehempel di e redoblacion di pensioen cu a tuma luga un 30 aña pasa cu t'ey te dia di awe y tambe e reparatietoeslag cu AVP introduci cu te dia di awe t'ey ainda. AVP ta conoci pa logronan duradero y sostenibel. Djis core rond di Aruba y wak pa bo mes tur e proyectonan realisa pa partido AVP.



Celebrando e di 15 Miss Teen Aruba International

Miss Teen Aruba International ta cla pa su temporada 2024

Instalacion lo tuma luga den mei y Final lo ta 13 di Juli 2024 den Renaissance Convention Center

GLW Foundation ta den pleno preparacion pa Miss Teen Aruba International 2024. E aña aki celebrando 15 aña di eleccion unda cu durante añanan Miss Teen Aruba International a sa di demostra cu e comision ta traha den e miho formacion di e candidatanan. E logronan durante e ultimo 17 añanan aki cu George Winterdaal como Presidente t'e prueba di e trabou cu e candidatanan.

Paisnan unda e candidatanan a bay ta Rep Dominicana, Panama, El Salvador, Bahamas, Guatemala, Costa Rica, Nicaragua, Honduras, Colombia, Bulgaria y mas. Desde cu George a tuma e presidencia di Miss Teen Aruba y despues Miss Teen Aruba International a uza e lema "*Algo mas cu un certamen di beyesa*" y tur aña ta organisa diferente proyec-tonan. GLW Foundation ta haci e.o Cupcake di Speransa, Un man pa nos ruman, Feed the Kids y tambe un sin fin di activi-dadnan caritativo cu e candidatanan. E comision organizado ta sigur prepara e candidata cu tur ekipo necesario pa asina por yud'e den su desaroyo pa futuro. Hopi candidatanan di Miss Teen Aruba International despues a sigui participa den otro Plataformanan manera Reina Hispanoamericana, Miss International, Miss World y Miss Universe.

Bo tambe kier participa? Wel ta masha facil.

E aña aki GLW Foundation a haci algun cambio masha inte-resante.

Bo tin e edad di 15 pa 19 aña? Bo tin gana di biba un exper-encia unico? Bo kier representa Aruba na nivel internacional? Bo kier amplia bo conocimiento general y siña mucho mas di varios topico. Wel esaki ta bo chens pa participa.

Gastonan?

Hopi biaha e preocupacion di Mayornan ta e gastonan halto cu no necesariamente ta asina, Mirando e situacion comision organizado e aña aki lo cobra un suma masha atractivo cu lo cubri basicamente tur gasto di a candidata p'e eleccion oficial. E suma cu lo paga ta inclui e inscripcion di e candi-data, trahe di baño pa anochi final (e aña aki lo trece trahe di baño bek), rahe di Baile di apertura, Trahe pa Entrevista cu Hurado, Sapato pa anochi final, Trahe di Gala (diferente diseño) pa anochi final, T-shirt Uniform p'e temporada).

Lo tin un anochi informativo pa tur mayor of hobennan cu ta desea di ricibi mas informacion di e competencia, esaki lo tuma luga diabierna 12 April 2024 na Plaza Betico Croes di 7 pa 9pm.

Si cualkier mayor ta desea mas informacion por yama libre-



mente George Winterdaal na 5616151 of Nuriannie na 6990840 y asina por ricibi tur informacion y detaye.

Final di Miss Teen Aruba International lo tuma luga diasabra 13 di Juli den Renaissance Convention Center.

GLW Foundation a prepara un agenda di actividadnan creativo, social y educativo masha great mes cu hopi even-tonan unda nan lo siña hopi pero tambe lo have fun y disfruta di e temporada 2024. Nos ta desea GLW Foundation tur clase di exito pa e temporada nobo di Miss Teen Aruba International. Bo ta desea di representa Aruba na nivel inter-nacional, no duda mas y yama awe mes pa mas informacion na 5616151.

Minister Ursell Arends:

Prome lustro di telefon pa Adulto Mayor 125

DIAHUEBS 4 di april a celebra e prome aniversario di Telefon pa Adulto Mayor. Un proyecto cu ta brinda sosten telefonicamente na adultonan mayor cu e meta pa combati sentimento di soledad y isolacion.

E iniciativa di un telefon pa adulto mayor a cuminsa durante pandemia unda por a tuma nota di soledad bou di nos comunidad. Hunto cu Ministerio di Adulto Mayor y Directie Ouderenzaken a logra cu Club Kibrahacha por a reinicia e liña di telefon cu e slogan “Mi ta inclui”, paso tur hende merece di sinti nan mes balora den nos comunidad. Awe, e tin su mesun number di telefon, 125. Un number cu por yama gratis y cu ta trece speransa y sosten pa nos adultonan mayor.

Cu compasion y dedicacion boluntarionan di Club Kibrahacha a bin ta maneha Telefon pa Adulto Mayor den e ultimo aña ofreciendo un horea na cualkier adulto mayor cu ta sinti e necesidad. Si acaso ta sinti tristo, haya falta di bo sernan keri, ta buscando asistencia social, of simplemente kier un combersacion ameno, e servicio di telefon ta disponibel pa tur adulto mayor di dialuna pa diabierna di 8.30AM pa 12.00PM. Minister Arends, encarga cu Asuntonan di Adulto Mayor, a aloca fondo necesario pa pronto por amplia e orarionan te cu atardi y tambe posibilidad pa den fin di siman.

Club Kibrahacha a presenta data colecta durante e ultimo aña cual entre otro e luna cu a ricibi mas yamada tabata na november cu 118 yamada. E top tres districtonan cu tabata yama ta Paradera, Savaneta y Oranjestad.

“Mientras nos ta celebra e gran logro aki, laga nos afirma nos compromiso cu nos adultonan mayor. Includi nan den nos bida, honra nan experiencia y brinda amor y aprecio pa nan contribucion valioso den nos comunidad,” Minister Arends ta remarca.

Minister Arends ta gradici tur cu a logra haci e proyecto importante aki posibel. E esfuersonan di Lenny Geervliet, Thaina Colina, Kelsey Arends y sigur tur boluntario cu a logra cu cada yamada por ta un sonrisa extra of un ayudo necesario.

Por haya mas informacion di e Telefon pa Adulto Mayor na www.mitainclui.aw of riba e pagina di Facebook Telefon pa Adulto Mayor 125.



Estudiante di Universidad ta inicia estudio tocante

Comunidadnan di piscado den cuadro di transformacionnan global

MI nomber ta Claire Durang, y mi ta un estudiante di Universidad di Utrecht. Mi ta tumando parti di un proyecto di investigacion basa riba comunidad di Aruba bou auspicio di Universidad di Aruba y Departamento di Agricultura, Cria y Pesca (Santa Rosa). Mi investigacion lo explora e retonan y vulnerabilidadnan cu piscadonan y nan famia ta enfrenta den temponan di cambionan global cu ta tumando luga.

Transformacionnan global den e caso aki ta inclui e impacto cu islanan ta enfrenta di e.o. cambio climatico, e necesidad pa paisnan atene metanan di desaroyo sostenibel, y traha pa yega na un turismo sostenibel. Pa compronde miho con e transformacionnan aki ta afecta e comunidad di piscado di Aruba, lo haci un estudio proximamente.

Investigacion:

Mi ta desea di bishita piscadonan y comunidad y scucha storianan cu algun di nos piscadonan y nan famia ta dispuesto pa comparti. Mas especificamente, mi ta ansioso pa siña for di piscadonan di Aruba, con lo por crea e balansa entre implementa deseonan di conservacion, manera areanan di parke marino, mientras envolviendo, scuchando y tumando encuesta e necesidadnan di stakeholder local manera piscado di Aruba particularmente. Pa logra metanan comun den practicanan di bon gobernacion, ta esencial respeta nan tur partidonan involvi.

Den e caso di piscamento, e ta particularmente importante pa proteha e recurso natural, mientras ta percura pa tradicion y entrada economico cu



ta depende di e recurso natural sigui wordo eherce. Proteccion di naturalesa lo mester keda implementa cu suficiente conscientisacion, envolvimento di gruponan di interes y p'esey no por bin a costo di negligencia e necesidad y deseonan di comunidad di piscadonan.

Mi ta desea di curason pa por observa, scucha y compronde e punto di bista

di piscadonan di Aruba mes. Atravez di un colaboracion estrecho cu Santa Rosa su seccion di pesca, mi ta desea y lo purga di acerca mas tanto piscado di Aruba, di tur tipo, cu ta posibel pa asina por logra un bista mas completo y corecto pa e investigacion. E pensamiento ta cu e estudio aki por contribui pa miho meta y vision pa formulacion di maneho practico pa futuro.

Luna di conscientisacion contra abuso di mucha

PLAN di Mayor ta ofrece ayudo pa famianan durante y despues di un separacion, cu intervencionnan enfoca riba mayornan y intervencionnan enfoca riba e mucha, dunando e mucha un plataforma unda cu e por vocifera su opinion y deseonan.

Luna di april ta Luna Nacional di Conscientisacion Contra Abuso di Mucha. Abuso di Mucha ta encera diferente tipo di abuso manera, abuso fisico, abuso emocional, abuso sexual. Algun ehempel di abuso emocional ta; negligencia, abuso psicologico, abuso medico, y expone un mucha na violencia relacional. Efectonan di separacion tambe por tin entre otro consecucionan ariba e estado emocional di muchanan. Durante un separacion por pasa cu mayornan no ta consciente di e estado emocional cu nan yiunan ta aden.

Plan di Mayor kier a introduci e siman di conscientisacion di efecto di separacion ariba muchanan. Entre e fechanan **15 di april** te cu **19 di april 2024** Plan di Mayor lo pone foyetonan informativo ariba nos pagina di facebook tocante e efectonan cu muchanan por experiencia durante un separacion cu por tin impacto pa bida

largo. E foyetonan aki lo tin conseho pa mayornan por yuda nan yiunan durante y despues di e separacion. E foyetonan lo enfoca ariba e efectonan ariba muchanan di diferente edadnan di: 0-2, 2-4, 4-6, 6-9, 10-12, 12-14 y 14-20 aña.

Pa clausura e siman di conscientisacion di e efecto di separacion ariba muchanan, Plan di Mayor ta organisa un charla tocante Manipulacion Parental. Manipulacion Parental ta un forma di abuso dirigi na e Mayor cu daño emocional causa na muchanan y ta sosode hopi bes durante of despues di un separacion. E charla di Manipulacion Parental lo tuma luga na MFA Santa Cruz dia 19 di april 2024 di 6:00PM - 8:00PM y ta completamente gratis.

Plan di Mayor kier a invita pueblo di Aruba pa atende e charla y ta mas consciente tocante manipulacion parental. Por registra na: <https://forms.gle/5hCkmHeyZEeqagad8>.

Plan di Mayor ta situa na MFA Santa Cruz na e di dos piso. Pa cualkier informacion por tuma contacto cu nos n'e e-mail di plan.di.mayor.aruba@gmail.com, por sigui nos ariba nos pagina di facebook: Plan di Mayor Aruba. Si ta desea pa cuminsa cu e trayectoria di mediacion por registra via e website na www.plan-dimayor.org.



CARIBBEAN CINEMAS
VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

☎ **787-999-3292**

📷 @caribbeancinemasaruba

📺 Caribbean Cinemas Aruba

DOWNLOAD OUR APP

GET IT ON
Google Play

Download on the
App Store

Relaciona cu Luna Nacional Contra Abuso di Mucha

Gobierno di Aruba ta ilumina bestuurskantoor cu luz blauw

GOBIERNO di Aruba, den su compromiso fuerte pa salvaguardia e bienestar y futuro di nos muchanan, a declara luna di april como Luna di Conscientisacion Nacional Contra Abuso di Mucha. Esaki ta enfatisa e determinacion y esfuersonan colectivo di Gobierno, Comision Nacional di Abuso di Menor, organisacionnan y fundacionnan gubernamental y no gubernamental y henter comunidad di Aruba, pa elimina e crimen grave aki contra nos muchanan.

Diabierna awo, 12 di april pa 6or di atardi, den solidaridad cu e lucha global contra maltrato y abuso sexual di mucha, Gobierno di Aruba ta ilumina Bestuurskantoor na colo blauw como un gesto simbolico y un recordatorio di e compromiso di Gobierno pa proteha derechonan y bienestar di cada mucha cu ta biba riba nos isla. Door di pone un enfoque riba e tema aki, ta fortalece e meta di inicia combersacionnan importante, aumenta conscientisacion y mobilisa accion contra e crimen di maltrato y abuso sexual di menor.

Prome Minister, Evelyn Wever-Croes, den nomber di Gobierno di Aruba, ta extende un invitacion na henter nos comunidad pa uni na e evento importante di solidaridad aki diabierna awo, 12 di april cuminsando pa 6or di atardi, pa Cende Luz Blauw pa conscientisacion y prevencion di abuso di mucha.

“Ban uni den speransa, y manda un mensahe fuerte cu maltrato y abuso sexual di mucha no tin luga den nos sociedad. Ban uni pa proteha nos muchanan, kendenan ta nos ciudadanonan di mas vulnerabel y esnan cu lo tuma over nos pais den futuro. Hunto, nos por haci un diferencia y sigura un futuro mas sigur y briyante pa nos muchanan”, Prome Minister ta enfatisa.



Tayer pa hoben riba topico “Positive Self Talk” na Centro di Barrio Santa Cruz



HEART-Centered Leadership Foundation (HCLF) ta organisa un tayer pa hoben riba e topico di “Positive Self Talk”.

Hopi biaha hobennan ta enfrenta retonan cu por impacta nan confiansa propio y salud mental. Como un fundacion cu ta traha cu y pa hoben, HCLF ta reconoce e necesidad aki. Conhuntamente cu Centro di Barrio Santa Cruz ta ofrece hobennan un tayer interactivo y motivante. E tayer ta enfoca riba empodera hobennan a traves di e practica di ‘Positive Self Talk’ cu e meta pa ekipa hobennan cu hermentnan valioso pa fortifica nan autoestima y promove nan bienestar y resiliencia mental.



Durante e tayer, e participantenan lo siña un tiki mas tocante pensamentonan negativo, ricibi herment pa maneha esaki y crea un combersacion interno mas positivo. A traves di diferente actividad y discusionnan den grupo, participantenan lo descubri e poder di afirmacion propio y desaroya technicanan pa por supera dudanan cu ta crea pensamiento negativo y stroba e hobennan di logra metanan personal y academico.

E tayer lo tuma luga Diasabra 20 di april di 4:00pm te cu 6:30pm na Centro di Barrio Santa Cruz, situa na Pabilon 101F. Edad di participacion ta 13 pa 17 aña.

Mayornan, familiarnan, docentenan y di mas comunidad ta invita pa comparti e tayer aki cu hobennan pa asina nan ta mas mentalmente resiliente.

Cupo ta limita. Participacion ta gratis pero registracion ta necesario.

Pa mas informacion of pa registra un hoben pa e tayer por tuma contacto cu HCLF via nan liña di whatsapp 5841211 of cu Centro di Barrio Santa Cruz na 5942293.

Tocante HCLF:

Heart-Centered Leadership Foundation (HCLF) ta un fundacion cu a keda estableci na 2008 cu e meta pa inspira y empodera hobennan di Aruba. Desde 2012 e fundacion ta ofrece diferente tayer, actividad y seminario unda hobennan ta cera conoce nan mes miho y traha riba nan desaroyo personal y profesional. E tayer aki ta parti di e proyecto Curason pa Curason, cu ta parcialmente funda door di e fondo Hulandes Fonds 21.



Gobierno ta traha na bienestar di nos grandinan

Lo amplia e orario di operacion di e liña di telefon p'e adultonan mayor



DIAMARS atardi, Prome Minister Evelyn Wever-Croes a atende e celebracion di e prome aniversario di e liña di telefon pa adultonan mayor na Club Kibrahacha na Piedra Plat. E liña aki, ta duna nos grandinan e oportunidad di por yama pa busca informacion, pa pidi yudansa, of pa combersa den caso di cualkier preocupacion. E number di e liña aki ta 125, y ta actualmente disponibel di 8am - 12pm. Mirando e necesidad di nos grandinan pa por ta constantemente den comunicacion, Gobierno a aloca fondo pa amplia e orarionan te cu atardi, y pa otro aña lo pone e liña aki disponibel tambe durante fin di siman.

Prome Minister a indica cu e iniciativa aki a cuminsa durante e pandemia, na unda cu tur hende mester a distancia di otro. Mirando cu e adultonan mayor, como esnan mas vulnerabel e tempo ey pa contagia cu covid a wordo isola, a busca diferente manera pa toch famianan por a comunica cu nan sernan keri. Aki ta unda a bin cu e liña di telefon 125, cu awe tin un aña den funcion, na disposicion di nos grandinan.

Señora Thaina Colina di Club Kibrahacha a duna un presentacion hopi interesante cuminsando pa splica con e Proyecto aki a bira realidad y a presenta e resultado di e prome aña di Telefon pa Adulto Mayor na unda cu tambe por a mostra e lokaal nobo di 125.

Prome Minister ta felicita Minister Ursell Arends pa su dedicacion na nos grandinan, poniendo mas fondo disponibel, pa asina amplia e orarionan di operacion di e liña aki. Minister



Arends tambe a hiba palabra n'e ocasion. Tambe, ta felicita y gradici Club Kibrahacha y e 14 boluntarionan cu a bin ta eherciando e trabou aki cu hopi amor.



COME IN
WE'RE
OPEN

CAYA HARMONIA 1. LOKAAL 2
NOORD (PATRAS CITGO SASAKI)



Deliciosa Quesadilla Crujiente De Papa Y Queso

Esta deliciosa Quesadilla Crujiente de Papa y Queso es un desayuno perfecto. Un relleno fácil de preparar con papas, tocino, maíz y guisantes rellenos en tortillas fritas en una sartén, quedando suave y crujiente al mismo tiempo. Rápido y sabroso para el día que quieras.



Receta

TIEMPO PREVIO: 15 minutos
HORA DE COCINAR: 15 minutos
TIEMPO TOTAL: 30 minutos
2 SERVICIO

Ingredientes:

2 patatas medianas
4 cucharaditas de queso en polvo
Pimienta negra
1/4 Piezas de Cebolla
3 Piezas de Tocino
3 cucharadas de guisantes
3 cucharadas de maíz
Tortilla de 6 Piezas (18 cm de diámetro)
salsa de tomate para pizza
Queso mozzarella
Aceite

Direcciones:

1. Corta las patatas en trozos más pequeños. Cocine al vapor (durante 25 minutos) o hiérvalos (durante 10 minutos).
2. Triture las patatas y agréguelos queso en polvo, pimienta

negra y mezcle bien.

3. Picar la cebolla, picar el tocino.

4. Saltee la cebolla y el tocino juntos y luego agregue los guisantes y el maíz. Freírlos juntos.

5. Agréguelo al puré de papas y mezcle bien.

6. Tomar una tortilla y pegarla con salsa de tomate para pizza.

7. Agrega mozzarella rallada a la mitad de la tortilla. Luego agrega el relleno y nuevamente agrega mozzarella rallada por encima. Ciérrala con la otra mitad de la tortilla.

8. Agrega aceite a una sartén y pon a fuego medio. Fríe la tortilla por ambos lados hasta que adquiera un color dorado claro.

¡Disfrutar!

Fortaleza pa Famia

Dios tin poder pa cambia tur situacion

NO tin nada imposibel pa Dios, no tin asunto cu Dios no por soluciona, aunke e cos por parece imposibel, aunke porta por cera, Dios semper tin un entrada, pasobra Dios ta Soberano, y tur hende mester comprende, y reconoce esey.

Den e tempo cu nos ta biba aki, hopi biaha mundo kier silenciar esnan cu ta papia di Dios, pasobra forsanan diabolico, satanico, spirito di anticristo ta moviendo, tratando di domina mundo cu negativismo.

Pero aunke cuanto e diabel gruña e poder di Dios ta aumenta dia pa dia den esnan cu ta kere, y ta uza Su nomber manera E a bisa, cu tur locual nos pidi den nomber di Cristo Hesus, nos Tata cu ta den cielo ta haci'e pa nos.

Den cada hogar nos mester keda para firme riba e palabra di Dios, pasobra solamente asina nos por mira e man di Dios move.

Mateo 18:19-20 Cristo Hesus ta hala nos atencion bisando: Atrobe mi ta bisa boso, cu si riba tera dos di boso bay di acuerdo tocante di cualkier cos cu boso pidi, esaki ta wordo haci pa nan door di mi Tata cu ta den cielo. Pasobra caminda dos of tres ta reuni den Mi nomber, ey mi ta memey di nan.

Den Juan 15:5 Cristo Hesus ta bolbe recorda nos cu: Ami ta e mata di wijndruif, boso ta e ramanan, esun cu ta keda den mi, y Ami den dje. Esey ta duna hopi fruta, pasobra separa di Mi boso no por haci nada.

Si boso keda den Mi y Mi palabranan keda den boso, pidi tur loke boso kier y esaki lo wordo haci pa boso (Juan 15:7).

Segun nos lesa nos bijbel nos ta siña conoce cuanto privilegio nos tin den Cristo Hesus, p'esey ta masha importante pa lesa e Palabra di Dios, pasobra den dje tin poder pa crecimiento.

E palabra di Dios ta stroba hende di trompica, y mas cu tur cos e ta habri nos wowo, pa asina libra nos di cay den trampa di enemigo, y warda nos for di tur trampa di scuridat.

E palabra di Dios ta siña nos pa reconoce y respeta Dios tur



momento den nos bida, pasobra tur locual cu nos mester, ta bini di Dios.

Jeremias 32:27 ta bisa: Mira Ami ta Señor e Dios riba tur carni, acaso tin algo cu ta mucho dificil pa Mi?

Pa medio di e palabra di Dios nos ta wordo convenci, di e grandesa di Dios pa nos bida y nos confiansa mester aumenta.

Sclama na Mi, y lo Mi contesta bo, y lo mi muestra bo cosnan grandi y poderoso cu bo no sa (Jeremias 33:3).

Ta den Señor nos oracion y peticionnan lo wordo contesta, pasobra ta Señor ta nos refugio y nos speransa.

Hasta ora cos ta muestra hopi dificil, cu nos no ta mira salida e palabra di Dios ta bisa 2 Cronicanan 7:14.

Si Mi pueblo, cu ta wordo yama na Mi nomber, humiya nan mes, y haci oracion, y busca Mi cara, y bira for di nan mal caminda, e ora ey lo mi tende for di cielo, y lo pordona nan pica y cura nan tera.

Ora e spirito di negativismo, presenta nos tin suficiente palabra di Dios pa core cu ne, no acepta ningun stress tampoco depresion, pasobra tur cos nos por den Cristo cu ta nos fortaleza, ora nos ta obediente na su Palabra.

Señor ta scucha oracion, Señor ta libera tur esnan cu ta oprimi door di forsanan di scuridat.

Bin cerca Mi tur cu ta cansa y carga y lo Mi duna boso sosiego (Mateo 11:28).



Lagrima y flor por seca, su recuerdonan y tur loke e la hasi pa nos lo keda graba pa semper den nos mente y curason.

"Cerca Dios mi alma ta na paz.
Di dje mi salvacion ta bini"
Salmo 62:1

Cu inmenso dolor na nos curason, nos ta anuncia fayecimento di nos ser keri:

Eugene Jacinto Roberts

Mihor conoci como: Denchi, Deng
*17 August 1968 - †5 April 2024

Esposa stima:

Lizbeth "Lisa" Roberts-Kock

Mama stima: †Glenda Roga

Tata: †Pascal Roberts

Suegironan stima: †Fernando y Mena Kock-Croes

Swa y cuña:

Giovanni y Suzy Kock-Croes y familia
Ingrid Kock y Michael Burke

Prima stima manera ruman:

Dietje Maduro y familia

Su tanta y omonan:

†Aura Simon-Roga
†Ronald Roga
†Winnie Roga y Chomai Koolman
†Nel Roga
Pedro y Jozee Roga
Gloria Roga
Swinda Roga
Thomas y Gisela Roga Willems
Gino y Yolanda Roga Fuentes
Gwendolyn Kelly y familia
Bernadette y Timotheo Willems y familia
Jane Roberts
Rita Roberts y familia
Johan y Rosa Roberts y familia
James y Mirta Roberts y familia
Charlie Roberts y familia

Primo y primanan:

Jennifer, Mike, Glenn, Lloyd, Jordan, Georgino, Afke, Angelo, Rose-Ann, Owen, Katja, Claudia, Paul, primo y primanan Roberts y nan Famia,

Tanta Grandi: Olinda van Balen

Su ihanan: Anthony Dirksz, Gilbert Angel

Su amigonan di cas: David Angel y familia, Bill y Karline Wild y familia, Jane y Alvin Geerman y familia, Cliff y Belkis Bermudez Solognier, Santy Henriquez, Gibi Dirksz, Mirla Koolman, Ryan Ras, Glenneth Courtar, Julie Courtar

Su coleganan di My Computer & Office Supplies

Miembronan di Aruba Lions Club

Demas famia: Roberts, Kock, Roga, Maduro, Boekhoudt, Van Balen, Rasmijn, Ter Beek, Vollebeek, Koolman, Pourier, Krozendijk, Silva, Lewis, Willems, Tromp, Fuentes.
Nos ta pidi nos disculpa si den nos tristeza nos por a lubida algun famia of amistad.

Ta invita pa asisti na acto di entierro cu lo tuma lugar Diabierna 12 April 2024 na Misa Birgen di Fatima na Dakota di 1'or pa 4'or di atardi. Despues lo sigui pa Santana Catolico na Paradera.

Ta duel nos cu despues di entierro no ta risibi bishita di condolencia na cas.



The LORD is my shepherd, I shall not want.
He restores my soul. He guides me in paths of righteousness for his name's sake. Even though I walk through the valley of the shadow of death, I will fear no evil, for you are with me; your rod and your staff, they comfort me.

With a heavy heart we announce the passing of our dear mother, grandmother, sister, and aunt:

Anita Beatriz Brouwer-Jonkhout

Lovingly called "Thies"

*22-03-1938 - †07-04-2024

Husband:

†Jan Brouwer

Children:

Anthony Brouwer & Richella Paesch
Angelique Brouwer

Grandchildren:

Anthony & Shelby Peterson
Nathan Brouwer
Ayla Brouwer
David Bulos

Siblings:

Rosa "Poppy" & †Ruud van Rutten
†Samuel "Boy" & †Annie Jonkhout

Nieces and Nephews:

Anneliz Jonkhout & family
Samuel Jonkhout
Gerald & Kiki Jonkhout & family
† Ricky & Debbie Jonkhout & family
Chris van Rutten & family

Families: Jonkhout, Brouwer, Harms, van Romondt, van Rutten, Oduber, Beaujon, Evertsz, Zwueste.

The funeral service will be held at Aurora Funeral Home on **Thursday April 11, 2024** from 2:00 pm – 4:00 pm followed by the interment at the Protestant cemetery in Oranjestad.

We sincerely apologize if we forgot to mention any family member in this time of grief.

We would like to thank Wit Gele Kruis and the doctors and nurses of level B4 of the Horacio Oduber Hospital for the attention and kindness given.

We apologize that after the funeral service we cannot receive condolences at home.



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu inmenso dolor na nos curason, nos ta anuncia fayecimento di

Welbin A. Vidal

*01-04-1990 - † 06-04-2024

Acto di entierro lo wordo anuncia despues



Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu dolor na nos curason, nos ta participa fayecimento di nos ser keri:

Sra. Maria Melida Lewis-Peguero

Cariñosamente yama "Nelly"
*27-08-1941 - †05-04-2024

Viuda di: Emmanuel George Lewis

Na number di su:

Unico yiu:

Fernando y Esmayra Lewis-Arends

Nieto(a)nan stima:

Stephany
Kimberly
Jordan

Rumannan:

Digna Peguero-Reina y famia
Ana Griselda Peguero y famia
Cleotilde Peguero y famia

Unico sobrina na Aruba:

AnaBelkis Campusano y yiu Edlien

Ayudante: Martha

Bon bisiñanan:

Carmen Gallegos
Carmen Fernandes y esposo

Un danki special na Dr. Alvarez y demas famianan, amigo(a)nan y conociman

Demas famianan: Peguero, Lewis, Arends

Ta invita pa acto di entierro cual lo tuma lugar na Misa Birgen di Fatima na Dakota, **diasabra 13 di April 2024** di 9'or pa 11'or di mainta. Despues lo sali pa Santana Catolico na Paradera.

Nos disculpa si den nos tristesa nos a lubida di menshona algun famia of amistades.



"Remembrance is a form of meeting" -
Kahlil Gibran

"Your living is determined not so much by what life brings to you as by the attitude you bring to life; not so much by what happens to you as by the way your mind looks at what happens." - Kahlil Gibran

Cu dolor na nos curason pero tambe agradecido pa tur e bunita recuerdonan, nos ta anuncia e fayecimento di:

Bernardus (Ben) F. C. King

*14 januari 1948 - † 9 april 2024

Acto di entierro lo wordo anuncia despues.



Ki alegria, ora nan a bisa mi:
"Ban cas di Señor!" I awor, ata mi aki para na bo
porta Señor.- Salmo 122

Cu inmenso tristesa na nos curason, pero
agradecido pa tur locual e a haci y nifica pa nos,
nos ta anuncia cu a fayece na Hulanda, nos

tata, welo, suegro, ruman, omo y primo stima:

Eduardo M. Croes

Mihor conoci como "Eddy"
*30-01-1952 - †08-04-2024

Despedida lo tuma lugar **diabierna 12 di April
2024**, na Misa Sint Lambertus, Deken van
Mierstraat 2 na Veghel, Hulanda.

Cremacion lo tuma lugar despues den seno
familiar. Alabes ta invita famia, amigo y
conocinan pa asisti na un Santo Sacrificio di misa
pa descanso di su alma.

Na Misa Cristo Rey na Brazil, **diasabra 13 di April
2024** pa 7'or di anochi.

Por manda condolencia na :
janicroes@gmail.com



Gradicimento / Invitacion

Na number di famia nan nos kier a gradici
cada un cu a tuma nan tempo pa a bin
dispidi di nos ser stima:

Pedro Samuel
Marchena

mihor conoci como "Papa"
*31-01-1931 - †27-03-2024

Boso muestra di atencion ta di hopi aprecio
y un gran sosten pa nos.

Na tur esnan cu a manda WhatsApp,
yamada telefonico, Facebook, na cas, asisti
na condoliance, cas misa.

Zusternan di piso B3 Doctornan cu a atende
Papa ,Pastor Jan y Pastor Andry na tur esnan
cu a haci oracion.

Por ultimo un y tur cu a compania nos den
nos dolor y tristesa

Y alabes kier a invita tur amigo, bisiña y
conocir pa asisiti na e Santo Sacrificio di Misa
pa descanso eterno di nos Papa stima cual
lo ta Diaranson, 10 April - 6:30 pm na Misa
Cristo Rey na Brazil. Despues di e misa aki nos
tin resamento na cas

Bo(so) presencia lo ta altamente aprecia.



Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever

Cu inmenso dolor na nos curason, pero conforme
cu Dios su boluntad, nos ta anuncia fayecimento
di nos mama, wela, bisawela y tanta stima:

Imelda Maduro

Mihor conoci como "Meme"
*12-11-1932 - † 03-04 -2024

Na number di su:
Tata: †Marcelo Maduro

Mama: †Simeona Maduro-Gomez

Yiu(nan):
Orlando y Astrid Orman-Kock y famia
Anne-Marie Orman
†Erwin Orman
Anneke y Eric Semeleer-Orman
Evelyn Orman
Ivan Orman y Shareen Tromp

†Su rumannan den feliz memoria

Nieta(nan):
Orlanda Orman y Christopher Blijden
Roxanne y Igor Kock-Croes
Kary-Ann Semeleer y Deion Werleman
Hennely Orman

Nieto(nan):
Brian y Haley Semeleer-Davidson
Rai v/der Dijs y Claudia Dos Santos
Brandel Bardouille y Xena Semeleer
Randel y Mark Orman

Bisanieta(nan):
Ilyona, Izalea Kock
Elyza, Alyzé Semeleer
Alyxa v/der Dijs

Bisanieto:
Cain v/der Dijs

Tanta y omonan, primo y primanan, sobrino y
sobrinanan

Tata y mama di su nieto(a)nan:
David v/der Dijs, Bernard Bardouille, Christina
Gonzalez y Satya Heinze



Iha(nan):
Elaine Toppenberg
Brinchie Chirino

Su amiga(nan):
Claudia Heinze
Regina Kock y Filomena Dubero

Demas famia:
Maduro, Orman, Gomez, Semeleer, v/der Dijs,
Croes, Bardouille, Werleman, Tromp, Pietersz,
Sambo, Kelly, Quandus, Marchena, Martha,
Gonzalez, Kock, Cornelie, Zievinger, Davidson,
Heinze, de Kort, Raghunath, NG, Jansen, Harms

Ta invita pa acto di condolencia y entierro cual
lo tuma lugar na Misa San Francisco na Playa
diahuebs 11 di April 2024 di 9'or pa 11'or di
mainta. Despues lo sali pa Santana Centraal
Sabana Basora.

Nos ta pidi disculpa si den nos tristesa nos por a
lubida un of otro famia.
Despues di entierro nos no por ricibi bishita di
condolencia na cas.





AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com